

眼科六要



眼科六要

责任编辑：徐岩春

中医古籍孤本大全

眼科六要 一函一册

(清)陈国笃著

中医古籍出版社出版发行

杭州富阳古籍印刷厂印刷

一九九二年九月第一版

一九九三年九月第一次印刷

ISBN7-80013-500-4/R·497

国内定价：壹佰伍拾圆

(京)新登字〇二七号

全国中医药图书情报工作委员会选编

中医古籍孤本大全

中医古籍出版社

江泽民主席题写书名

中国古籍出版社

中国古籍出版社

海基

中国古籍出版社

全国中国古籍出版社工作委员会

## 前言

中医学是我国古代科技宝库中的一枝奇葩，它以博大精深的医理，神验奇效的医术，济世活人，相传数千年，屹立于世界医学之林。这份宝贵的医药学遗产，保存在历代流传下来的医药典籍中，虽历尽沧桑，岁月磨蚀，存留至今的仍不下万余种，其中沦为孤本者亦逾千种。这些孤本医书中不乏稀世之珍品，如宋元以来历代精刻之善本、名医手稿、名家批校本、精写本、刻书底稿、手绘本草图、经络图等等。这些珍贵的医药典籍，由于多年的自然侵蚀和保管条件不善，不少已面临绝本危险，抢救、保存这些珍贵的文化遗产已成为当务之急。鉴此，国家中医药管理局决定选编影印出版《中医古籍孤本大全》一书，并责成「全国中医药图书情报工作委员会」具体承担选编任务。本书的选编基本遵循以下原则：一、经考查各家书目，证实已成为孤本的医书；二、内容有较高的学术价值与实用价值者；三、在理论和实践上有独特的见解和经验，具有参考价值者；四、书品较好，无重大残缺者。根据以上选编原则，预计入选孤本医书将

有三百种左右。

孤本医书收藏单位遍及全国各地，本书的编辑出版，得到许多藏书单位的通力合作，使我们的选编出版工作得以顺利进行。为确保这套丛书的选编质量，国家中医药管理局和全国中医药图书情报工作委员会聘请了全国二十多位知名学者、中医专家为该书的学术顾问。

本书的选编出版，是弘扬我国古代科技成就，抢救民族文化遗产，继承发扬中医药学术的一件大事，得到国家、部、局各级领导的重视和支持，江泽民主席亲笔为本书题写书名，这对本书编辑出版工作是一个很大的鼓舞。我们相信，在各级领导重视、社会各界的关怀与支持，和有关专家学者的参与指导下，我们一定能够克服各种困难，胜利完成这部划时代的大型系列丛书的选编出版工作。

编者 一九九三年九月



## 内 容 提 要

《眼科六要》为晚清眼科专著，作者陈国笃，字厚溪，贵州遵义人。其父陈德圃为贵州名医，国笃幼承家学，长继父业，尤精于眼科，其天资、学力兼备，悬壶多年，后撰成《眼科六要》，由胡霖澍捐资付梓。现中国医学科学院图书馆藏有咸丰十一年（一八六一）初刻本。

陈氏此编，突出「以因分证」，阐述方治则以简要、实用为特色。他在自序中说：「六要者，曰风、曰火、曰血、曰水虚、曰火败、曰神劳，此六者，眼病所因也」。并指出：「眼病虽多，六要之说莫能外也」。陈氏在本书中阐述的有关眼病病因说，可谓执简驭繁，独树一帜，值得后学者予以深入研究。

此书于论述病证前，列有「五轮分属五脏」、「目者肝之窍」、「眼病当分虚实」等总论内容。在「眼病多郁」一节谓：「凡眼病多宜解郁。」并列举有关常用药物对各类郁证之作用，并对前人学术经验作了归纳性的阐释。在「眼病易治难治」一节，指出某些眼病易治，某些眼病难疗，使读者对眼病的治疗和预后有一

个整体性的认识。

其后介绍眼科病证，作者的主导思想是「列症标名，惟取简易」。自「目赤」至「小儿因痘因疳」共四十证，每一病证，以阐述因证、治疗为重点，选方力求少而精，使读者易学易用。须予指出的是：此书对「翳膜」病论析有新意，陈氏谓：「凡眼生翳膜，多因风热而致。或血盛血积，与夫小儿疳积，痘后亦皆生翳。总之，乃肝气过盛而致。翳虽因热而生，然治法宜先去翳而后去热」。并批评前人以翳之部位、形状而致命名之纷杂。认为应根据病因之「风、热、火、血」，将翳证分为气翳、血翳、蚀翳、陷翳、黑珠翳、肤翳、疔翳七种。并分别列举其病因、症候及治法，对后世学习眼科翳证临床甚有助益。后附《眼科六要》汇方目录，计内服诸药三十九方，点眼诸药五方，洗眼诸药三方，共四十七方。体现作者选方之精要，以及对眼科证治「由博返约」的学术思想。

叙

醫雖小道有天姿有學力然後可以  
得共精微余同年陳厚溪精於岐黃  
大諸家學共

尊人德圃先生與家君會榜同年  
曩偕寓都門時家中少有遠和延

之診視無不奏効真有得心應手之  
妙及厚溪同年天姿既高學力亦到  
於眼科一證更有獨得之奇丁未夏  
余長子偶染目疾延厚溪至隨藥而愈  
談次洵出其自著眼科六要一書見示  
余受而讀之見其要言不煩語、皆探

本窮源之論因謂厚溪曰何不梓以公  
諸世厚溪云刻書一事毀譽所由生

也此書原為傳家計非敢出而汙世

也余索而抄錄之又念卷帙無多不如

廣之以濟人急爰捐貲代為付諸梓

但願閱是書者神而明之庶不負作

者之苦衷云

賜進士出身知貴州興義府興義縣

事年愚弟胡霖頓首拜跋



*[Faint bleed-through text from the reverse side of the page]*

眼科六要序

六要者何曰風曰火曰血曰水虛曰火敗曰神勞此六者眼病所因也然而六者之中又當辨其虛實因風因火因血者其症多屬有餘水虛火敗神勞者其症多屬不足蓋風盛則上攻頭目而為雷頭風變等症火盛則內灼神膏而為魚目睛凸等症血盛則壅積上攻而為瘀肉血翳等症至若水虛而病者非肝血虛少即腎精枯涸血與精皆陰也故統名之曰水其症則或為內障

青盲或為視惑妄見火敗則或為瞳神縮小或為近視  
倒睫神勞則或為目血或為睛疼眼病雖多六要之說  
莫能外也他如物損塵眯與夫跌撲損傷之類皆外因  
也其症顯而易明無庸贅述近世眼科諸書列症浩繁  
或為七十二症或為八十一症或為一百六十餘症然  
實而按之多不得其要領如目腫一症則有覆杯蚌合  
懸毬等名目赤一症則有長虹火天綵雲等號言愈多  
而意愈亂非探本求原之意也是編列症標名惟取簡



易自目赤至小兒因痘因疖凡四十症而致病之因仍以六要統之提綱撮要臨症方有把握是或由博反約之一端也昔

咸豐辛亥孟春古播陳國篤厚溪氏書於黔省方夜齋

藥方

細辛 華白 甘草 涼姜 石膏 川椒

共為細末 共水研白末

無事 尊尚 加別 滋養 石流 川塔

久一 龍力 中

公六 康統 入 縣 照 錄 與 縣 法 在 此 內 諸 事 及 由 傳 及 內 形 目 目 亦 呈 示 凡 國 意 因 每 以 四 十 五 年 毛 致 意 入 國 內

顾问(以姓氏笔划为序)

于生龙 马继兴 王雪苔 王绵之 邓铁涛 田景福 龙致贤

朱杰 刘渡舟 李辅仁 李明富 李任先 余瀛鳌 张瑞祥

张灿岬 施杞 祝湛予 高辉远 唐绍明 唐由之 顾廷龙

盛国荣 董建华 傅世垣 焦树德 裘沛然

编选：薛清录 傅景华 赵璐 刘国正 毕俊英 李世勤 徐金香

巴恩荣 魏菊仙

印制：蒋放年

眼科六要目錄

五輪分屬五臟

目者肝之竅

眼病當分虛實

眼病多辭

目赤

羞明

目澁

目有內外眥上下網

目無火不病

眼病易治難治

眼病治法

目腫

眵淚

頭痛

目痛

目暈

視惑

近視

瞳神散大

瞳神反側

癢肉

爛弦風

目癢

昏花

妄見

遠視

瞳神縮小

倒睫

椒粟

翻臉

瞼硬

白睛虛脹

迎風淚

睛凸

漏睛

翳膜

青盲

雀盲

瞼廢

黑睛高聳

魚目

蟹睛

目血

內障

暴盲

物損

塵眯

小兒因痘因疔

青盲

暴盲

翳障

肉翳

流淚

目眩

翳凸

雙翳

血風赤

赤目

白翳遮睛

黑翳遮睛

翳入

翳入

眼科六要

古播陳國篤厚溪氏著

五輪分屬五臟

白睛屬肺為氣輪大小兩眥屬心為血輪上下脣胞屬脾為肉輪再於黑睛上分暈微青者屬肝為風輪次黑者屬腎為水輪其黑水中間一點瞳人乃胆經所主也是故胆汁盛則目明胆汁減則目昏近世眼科諸書又有以八廓分配八卦者義多牽強且於治眼之法無補不過藉以呼名耳茲故不錄



目有內外眥上下網

靈樞經曰目眥外決於面者為銳眥在內近鼻者為內眥又曰足太陽為目之上網足陽明為目之下網

張子和云目之內眥太陽經之所起也血多氣少目之銳眥少陽經也血少氣多目之上網太陽經也亦血多氣少目之下網陽明經也血氣俱多此三經俱會於目惟足厥陰經連於目系而已是故血太過者太陽陽明之實也血不足者厥陰之虛也凡針刺出血者宜太陽

陽明二經蓋此二經血多故也少陽一經不宜出血血少故也刺太陽陽明出血則目愈明刺少陽出血則目愈昏矣

目者肝之竅

目病多屬於肝虛實皆能致病肝臟血熱則目赤腫虛則眼前生花然肝者腎之子肝法木腎法水水能生木則子母相合而無病是故肝腎之氣充則精彩光明肝腎之氣乏則昏蒙眩昧心者神之舍又所以為肝腎之

副焉蓋心生血肝藏血血虛血盛皆能生熱凡熱上衝於眼而病目者總宜清心涼肝調血為主

目無火不病

張子和云目不因火則不病何以言之氣輪變赤火乘肺也肉輪赤腫火乘脾也黑水神光被翳火乘肝與腎也能治火者一句了故內經曰熱勝則腫凡目暴赤腫羞明隱澁淚出不止皆火熱之所為也治火之法在藥則鹹寒吐之下之在針則神庭上星顙會前頂百會血

之醫者可使立退痛者可使立已昧者可使立明腫者  
可使立消矣

按子和所論乃指病邪俱實者而言若水虧火敗神  
勞者又當別論

### 眼病當分虛實

眼病有虛實之分實者宜除風散熱虛者宜養血安神  
如暴失明昏澁翳膜眵淚此屬實也宜表散以去之如  
昏暗不欲視物內障見黑花瞳子散大此屬虛也宜養

血補水安神以調之

張子和云內經雖言目得血而能視然血亦有太過不及也太過則目壅塞而發痛不及則目耗竭而失明故年少之人多太過年老之人多不及不可不察也

丹溪云眼疾所因不過虛實二者而已虛者眼目昏花腎經真水之微也實者眼目腫痛肝經風熱之甚也實則散其風熱虛則滋其真陰虛實相因則散熱滋陰兼之此內治之法也至於日久熱壅血凝而為攀睛瘀肉

翳膜赤爛之類不假點洗外治之法何由而得痊乎  
凡眼病脾熱則眼胞赤腫心熱則血灌瞳人神勞則睛  
痛肝虛則眼昏傷風則淚出勞力則背赤其生瘡乃風  
熱侵肺黃乃酒傷於脾爛者多濕痒者多風赤而腫痛  
者多火與熱

眼病易治難治

外障易治內障難治暴發者為表易治久病者為裏難  
治翳浮而散狀如碎米者易治翳光而滑堅白如細磁

者難消初起翳浮而色白者害遲初起翳浮而色黃者  
害速至如瞳人乾缺痛澁無淚或白翳隱藏黑水下向  
日細視方見者或兩眼相傳疼痛晝輕夜重者或內障  
五色相間頭痛無淚日中如坐暗室者或雷頭風變毒  
氣衝入睛中瞳子或微或大昏暗全不見物者俱為不  
治之症

眼病多鬱

凡眼病多宜解鬱先賢治目昏見花如羊肝丸用羊肝

引黃連等藥入肝解肝中諸鬱肝鬱解則目之玄府通  
利而明矣故黃連之類解熱鬱也椒目之類解濕鬱也  
羌蔚子之類解氣鬱也芎歸之類解血鬱也夜明砂之  
類解積鬱也羌活之類解經鬱也磁石之類解頭目諸  
鬱墜邪氣使下行也蔓菁子下氣通中理亦同也凡氣  
血鬱則目昏河間之言信不誣矣

眼病治法

眼病所因六要已得其概服藥因風者散之因火者涼



而瀉之因血盛血熱壅積上攻者宜涼血散積之藥疏  
通而清利之至於水虛而病者或宜滋養肝血或宜培  
補腎精火敗宜溫腎補火神勞貴養血安神此內治之  
法也他如點洗外治之法有雲翳者宜於卷末點眼方  
中擇而用之若無雲翳而僅病赤腫者止宜用洗眼之

藥

目赤 自目赤至小兒因痘因疳凡四十症

目赤者白睛赤脉縱橫或眼胞赤腫揆其所因非血熱

內壅必風熱上攻治法因血熱者犀角黃連湯因風熱者石決明散。又有黑睛赤色一症眼科呼為綵雲捧日其症滿風輪生障赤色厚薄高低不等痛澁莫敢開視見人則兩眉緊闔眵淚併流且絲脉縱橫白睛亦紅紫相映看似風血有餘其實為久年痼疾非王道藥不能治蓋此症多得於憂鬱婦女及窮苦之人大約血虛火鬱年深日久血亦相因而瘀故得斯症宜服還睛夜光丸

又有睡後目赤須臾漸白良久則無此血熱也蓋人卧則血歸於肝故睡起目赤良久則無者血復散於四肢也宜地黃粥

### 目腫

目病眼胞赤腫多因肝脾積熱其症必腫而兼赤若上胞腫甚而下胞稍緩者名曰覆杯上下兩胞俱腫者名曰蚌合治法熱而兼風者宜瀉青丸純熱者宜龍胆瀉肝煎若有頭痛便秘等症而腫之至極者須加大黃利

之稍遲恐腫甚目不能開而睛隨敗壞也

又有一種目不赤腫但上瞼虛虛浮起眼科呼為懸毬  
此脾肺陽虛自病試以手掌擦熱揩之少平頃復如初  
可見真元不足虛氣浮於肌表宜補中益氣湯

### 羞明

眼病羞明者此目於明亮之處則痛澁畏避而不能開  
不敢向火近日若於黑陰空曠之處則稍覺清爽治法  
當分虛實凡暴發而怕日怕熱及生眵淚者其症多實

若久患羞明而不痛無淚者其症多虛實者乃氣盛血熱陽邪為害宜抑青丸虛者屬肝血虛少宜養肝丸

### 眵淚

凡眼生眵糞而渾濁稠粘或眵多硬結而有目赤腫痛等症此肝熱也宜龍胆瀉肝煎若內外輪廓無恙不赤不腫但淚稠如濁酒豆漿長流而不止者此脾肺氣虛不固也宜白菊清金散

### 目澁

目澁者如塵沙入目開合不利也其症有二一因病眼  
生翳或上下瞼内生椒粟等瘡又或拳毛倒睫毛刺睛  
珠以致碍睛沙澁啟閉不利治法有雲翳者去其翳有  
椒粟者治其瘡倒睫毛刺者起其睫各按本門求治翳  
去瘡愈睫起其澁自愈一者目珠乾澁神水不足以養  
睛故亦澁痛此腎虛水虧也宜明目壯水丸

### 頭痛

眼病頭痛其因有二一因頭風一因火鬱也然惟因風

而痛者為尤多凡偏正頭風與夫大小雷頭風皆能令  
頭暴痛風起最易損目如憎寒壯熱狀若傷寒頭目疔  
瘡腫痛不能忍耐或挾痰而來兩耳若雷鳴風動轟轟  
作聲既而身痛如被杖二便秘結此雷頭風也風起目  
隨病二三日目即損壞神醫不能為治此眼科第一險  
症眇瞽者強半為此治法不論為風為痰為火速與九  
味羌活湯加大黃三錢芒硝二錢得快利病勢必然稍  
減然後察脉辨症或解表或清裏對症施治自無不愈

至於偏正頭風亦能損目然較之雷頭風其勢稍緩蓋  
眼科最急之病莫如風火雷頭風者風火交作故其勢  
最速偏正頭風風動而火不動也然亦不可大意治法  
先以艾葱熨頭再以炒鹽熨太陽穴隨調神應散與服  
如大實便秘者須加大黃利之○火鬱頭痛者宜龍胆  
瀉肝煎

### 目痛

目痛者黑睛驟痛儼如針刺其因有四一因肝臟積熱



故目赤而痛宜龍胆瀉肝煎一因肝氣虛衰其症目珠  
 疼連眉稜額骨皆痛遇夜則甚點苦寒藥反劇宜夏枯  
 草散一因陰虛水虧水不制火而痛宜六味地黃丸加  
 黃柏知母一因勞傷心神而痛宜養心湯

目癢

目癢極甚瞳子連眦頭皆癢此因胆受風熱宜驅風一  
 字散

目暈

目暈者但見燈光或窓壁隙漏之處則有碗大一圈其  
色內青紅而外紫綠宛如虹狀大約腎水虛而肝火旺  
之人多有此症蓋水衰不能制火則水火相射故現斯  
象宜明目壯水丸

### 昏花

昏者視物不明花謂眼見黑花也此由肝腎精虛所致  
凡肝血虛胆汁減則目昏而視物不明腎水虛則眼前  
黑花頻起然必虛而微蕪熱者始有斯症故劉河間云

凡熱鬱於目則目昏而見黑花宜明目壯水丸

視惑

視惑者謂視物顛倒紊亂如視定為動視大為小視一為二之類蓋目系上屬於腦後出於項中邪中其精精散則視歧宜服驅風入腦藥驅風一字散主之。如因肝腎精虛而視惑者宜明目壯水丸去黃栢知母

妄見

妄見者目無他症但無中生有或遊絲繚繞懸蟾虛空

與夫飛蠅舞蝶之類空中飛揚撩亂倏滅倏生仰視則上俯視則下此由精氣不交而得日久失治必成內障宜既濟丸與還睛夜光丸早晚兼服又有妄見如螢如燈或如電過霞光者眼科呼為電光夜照蓋人之一點真陽寄於坎宮水虛則不能攝養真火致一縷真陽因而上越先輩謂之神光自現倘日久失治或治不如法必失明而為青盲風變之症宜服加減八味丸使無根之火降而歸經自然神光內蘊英華不致外越

近視

此目稟賦無恙忽爾只見近而不見遠也蓋能近視不能遠視者多由命門真火不足火病則光華僞斂腎中真陽僅足以回光自照治宜益火之原以消陰翳八味地黄丸主之

遠視

此症目漸次昏昧能遠視不能近視乃陽有餘而陰不足也治宜壯水之主以鎮陽光六味地黄丸主之若老

人桑榆晚景能遠視而不能近視者此由年高陰氣耗竭非藥餌所能挽回也

### 瞳神散大

此症乃金井散大向明斜眦風輪下窄窄一週甚則一週如線也此須留心細察若無內障顏色而能收者可治然亦不宜緩緩則氣定膏損難為力矣東垣云陽主散陰主斂陰虛不斂則瞳子散大而為目昏眼花治法宜苦宜酸宜涼以收耗散之氣大忌辛熱之物滋陰地

黃丸主之至若頭風痛攻神散而陽光頓絕此為風變  
不得以散大名之

瞳神縮小

此症乃金井倏爾收小漸漸小如針孔也蓋陽虛則腎  
絡下縮水輪上斂甚則緊合無隙殘疾終身矣宜八味  
地黃丸

瞳神反側

此症因風熱牽曳其睛斜翻倒轉白向外而黑向內也

名曰瞳神反背又有睛藏上下瞼不能歸中視物則通睛偏昺白眼斜覘在眼科諸家則或為天旋或為墜睛或為轆轤轉關名雖不同其症則一又有睛珠欹側連顛唇俱歪在一邊眼科呼為口眼喎斜以上各症如得之稟賦或襁褓時病風熱及驚風天吊日久性定者俱不能治其初起因風熱而牽曳不正者宜定風湯

### 倒睫

此症乃皮寬弦緊睫毛拳倒內刺目珠久則掃成雲翳



東垣云陽虛則眼楞急而為倒睫拳毛治雖見效但點服諸藥萬萬不能起睫睫不起則翳不淨而淚終不止治宜內服八味地黄丸外用夾法以起其睫

夾法用老竹一片長寸許廣一分正中平破不可削去鋒先用絲線扎定一頭一頭斜側放開將患眼上皮安置其中絲線絡住令患者載睜載閉仔細看真睫毛毫無倒入方用力扯緊其夾外之肉碾生半夏生遠志末油調厚塗則易痿不痛若血氣虛衰之人可不必然須

看兩頭線縫稍鬆一髮大便過血務須縛緊不爾決腫  
而潰俟七日肉乾作癢拆去夾將利剪剪落其著臉之  
痴聽其自落毋得損動落後以香膏不時於痕上搽抹  
久之肉色如舊至夾內七日用竹葉石羔麥冬沙參煎  
湯上下午調救睛散三錢或黑神散日服四錢亦可

### 癢肉

凡眼生癢肉始自內眥生脉一二縷縷根漸長癢肉日  
久漸大橫侵白睛蠶食神珠眼科名為努肉攀睛又有

瘵肉垂吐胞外目閉亦不收者眼科名為雞冠蜆肉此  
由心熱血旺所致宜犀角黃連湯

### 椒粟

此症生於上瞼之內色黃而軟者名粟瘡色紅而堅者  
名椒瘡若形實邪盛者連下瞼亦蕃衍碍睛沙澁眼痛  
如眯初生如粟米漸大如米粒乃風熱蘊結而成宜連  
翹薄荷煎

春爛弦風

爛弦風者目眦赤爛或癢或痛其中生細小虫絲凡年  
久不愈而多癢者是也此乃濕熱為病宜點以砒製爐  
甘散洗以昭容散有虫者又當去虫以絕其根宜聖草  
散搽之

### 翻臉

此症乃目之下臉傾縮內臉絢爛於外有如人翻轉而  
致者此因脾受風毒所致宜定風湯加穿山甲主之如  
年久臉內俱赤者不治

眼硬

眼胞紅赤而堅硬睛疼淚出怕熱羞明此由脾經蘊熱  
宜黃連解毒湯

眼廢

此症目內如常只兩眼垂閉而不能開攀開亦不能眨  
一行一動以手拈起眼皮方能看視大約因脾氣虛衰  
而得宜四君子湯加山藥扁豆

白睛虛脹

白睛虛脹赤脈如髮其主目小皮絲入至

眼科六要

五

十九

此症睛無所苦但氣輪一二處虛虛脹起或圓或長或  
中斷儼與魚腹中之白泡相似此脾肺氣虛也宜補中  
益氣湯

### 黑睛高聳

此症風輪黑水間或上或下或左或右斜斜高聳而起  
也眼科呼為田螺旋頂乃胆腎二經風熱內逼也失治  
則漸高漸尖至極並水輪不見神膏如死難為力矣宜  
石決明散

迎風淚

此症遇風則冷熱淚流多屬肝虛容熱若赤爛有翳障者非是蓋肝虛則竅實不密故風邪引出其淚四物湯加木賊防風白菊花白芷主之

魚目

此症雙目如火脹於臉外凸而定凝不能開閉儼與花缸魚目相似乃陽邪亢害風熱壅阻下竅不通上竅亦塞是眼不出即入速於百會太陽兩臉上星要隘等穴

砭針出血嗣進黃連解毒湯加大黃一二錢寒之攻之  
庶有可救

睛凸

此症通睛忽然凸出眶外非若魚目之漫漫脹高者比  
也究其所因大約水衰精敗脉絡焦枯加之邪火上逼  
內無從洩故目珠湧脹而出凡出而未全離瞼者可乘  
熱捺入但目系損動終是無光凸而猶含者易入光且  
不熄至若目已離眶懸繫如鈴長垂至鼻者則膏液變



為血肉喪明必矣治法凡遇睛珠突出懸繫眶外者切勿驚慌用軟帛盛住若遇冬時嚴寒則須養以溫水使目系不僵將睛珠好生安置眶內令患者閉臉嘿坐隨煎八珍湯與服再用磁石淬醋對鼻薰蒸肝得濃厚酸氣雖散必收俟微汗欲發開襟將冷泉水於胸前背心不時噴之俾肌膚一掣脈絡一縮盡一晝夜可定然後察脈詳因細心調理或可僥萬一之倖

蟹睛

此症風輪上有黑珠一顆如蟹之目故以為名或有如  
豆大者眼科名為損翳最不易治究其所因蓋由風熱  
壅甚醫者治不如法以致蝕破青睛黑睛從破處而出  
其黑珠軟而不疼如金井但斜未敗者或可望其平復  
治法風熱之邪未盡者宜石決明散若病久無邪者宜  
平肝養血四物湯加白芍五味棗仁徐徐酸斂日久自  
然收入

漏睛

皆頭流出膿汁無翳障不疼痛此心氣不寧並風熱在  
 睛中也又有眼因患瘡後大眦常出膿涎亦名漏睛宜  
 白薇丸

目血

此症目無病痛自然鮮血迸流有如刀針刺傷此勞傷  
 心志元神虛憊也宜歸脾湯又有瞳人為血灌注痛如  
 錐刺外無翳膜但視物不明此因肝氣閉血無所歸而  
 得宜引血通肝消毒逐瘀湯主之

# 翳膜

凡眼生翳膜多因風熱而致或血盛血積與夫小兒疳積痘後亦皆生翳總之乃肝氣過盛所致邪氣未定謂之熱翳而浮邪氣已定謂之冰翳而沈邪氣牢而深者謂之陷翳翳雖因熱而生然治法宜先去翳而後去熱若先去熱則血為之冰而翳必難去服藥須詳其翳之因何而致因風熱者宜神仙退雲丸因血積者宜明砂散積丸大約新翳初生者宜表散而去之久翳牢固者

宜用煥發之藥使翳膜再浮然後用退翳之藥內服外  
點雖倉卒難以奏效然歲月點服不輟亦可漸去也至  
於久翳光滑堅白如細磁者並皆難去

一眼科諸家皆以翳之部位形狀喝象呼名紛紛列症  
如偃月聚星棗花浮萍順逆垂簾等名目何止數十百  
種然而模糊疑似分辨綦難徒亂人意愚謂凡病貴得  
其因若以症而論則千變萬化不可終窮若以病之所  
因而論則不過風熱火血數者苟能得其要領無俟紛

紛呼形列症為也茲特略舉氣血蝕陷黑珠膚翳疔翳  
等數條開列於後若能從此觸類引伸尋原探本自可  
以應變於無窮矣

一眼病內服諸藥所以斷其生翳之源也至於翳膜已  
成者須兼點藥外治方能速效宜於卷末點眼方中擇  
而用之

一氣翳者此目赤腫痛淚都可但青睛如濁烟籠罩色  
澤欲死儼與昏鏡呵氣相似須從側面視之始隱隱微

見金井此雖明是外障然而風輪光滑無障可去最不易治揆其所因大約因熱症過服寒藥譬之曉霧昏蒙得日始能解散宜補中益氣湯與八味地黄丸兼服其有暴病翳退似此者此元氣未復不得以氣翳目之一血翳者初起目赤腫痛淚熱如湯不敢向火近日赤脉大小縱橫貫過風輪越宿更加頭痛便秘赤脉陡大變成血障強攀開視黑白無有惟一體血肉眼科所謂血翳包睛是也宜消毒逐瘀湯加大黃外用針砭開導

以泄其熱病勢稍退改用犀角黃連湯點服兼進厥疾  
自愈

一翳有蝕翳陷翳蝕翳者初起目赤腫痛多生眵淚羞  
明怕熱畏光緊閉強開則熱淚湧出風輪上有點如星  
色白中有孔如錐刺傷後則漸漸長大變為黃色孔亦  
漸大變為窟又有翳大而白形如新月者月上亦有一  
痕儼如指甲深拗之狀若再加頭痛便秘等症則為窟  
為漏為蟹睛為眇瞽不日而致也陷翳者初起赤腫狂



痛畏明生眇開視青睛沿際許多白點儼若扯碎梅李  
花瓣若瓣色黃而浮大者尤險一晝夜牽連混合蔽幔  
神珠看之與混睛障相似且四圍翳起中央自覺低陷  
故曰陷翳以上蝕陷二症俱善變速長須晝夜監守治  
法先以瀉青丸加芒硝變丸為湯連進二三劑大便得  
通則赤腫痛淚必減然後詳其病因對症施治因風熱  
者宜神仙退雲丸因血積致翳者宜明砂散積丸  
一黑珠翳者生於風輪黑而圓如小黑豆狀與蟹睛相

似但非因輪破而得此乃腎虛受風熱而致不可用點  
藥宜先服石決明散後服還睛夜光丸

一膚翳者睛珠上有物如蠅翅宜點海蝶蛸散

一疔翳初起身熱惡寒赤腫大作眉骨太陽痛楚異常

黑睛上生翳一顆色白如銀失治其翳直釘入內甚則

滿睛加障赤絲環繞此目翳之最奇惡者臨診當分虛

實實者由於風毒上攻虛者由於氣血虛衰木中春陽  
下陷陰風上騰然宜以脉症相參方為的確如六脉浮

數滑大有力為實宜九味羌活湯加黃連石羔倘大實  
便秘者宜再加大黃虛者六脉沉遲濡弱宜補中益氣  
湯加乾姜甚者須加附子

### 內障

內障者外無翳膜不疼不痛無眵無淚惟瞳人裏隱隱  
青白或無隱隱青白者亦有之初起目昏次視惑次妄  
見甚乃成翳金井之中有翳障於神水之上蓋因腦脂  
下結於風輪烏珠轉白或如金色或如菘豆色或如薄

霧輕烟或見五色眼科諸書有圓翳冰翳滑翳澁翳浮  
翳沉翳破散翳橫開翳棗花翳偃月翳等種種名目然  
總之其為內障不必細為分別也近世眼科名家有以  
針法從事者蓋以針刺入睛內而撥其翳見效最捷然  
非親受口傳者不敢妄用恐翳未落而睛先壞也此症  
多由精血虧損治法內傷色慾腎水虛衰者宜左歸丸  
肝血虛少者宜養肝丸肝腎俱虛者宜明目壯水丸若  
勞傷心神而得者宜養心湯

凡內障皆有翳在黑睛內遮蔽瞳子夫通黑睛之脉者  
目系也目系屬足厥陰足太陽手少陰三經三經虛則  
邪從目系入黑睛內為翳以針言之當取一經之俞穴  
如天柱風府大衝通里等穴是也

青盲

此症目內外如常亦無翳膜金井不大不小儼與常人  
一樣只病人自覺不見初起視斜視短間有神膏緣或  
水輪黃色者並為不治

暴盲

此症平素別無他病外不傷輪廓內不損瞳神忽然盲而不見此氣脫也急煎獨參湯與服然後審其臟氣察其脉息或補精或補氣對症調理十補勿一瀉

雀盲

雀盲者日落即不見物晝明夜暗言如鳥雀之暝而無所見也各家醫書有謂為肝血虛少者有謂為元陽不足木中陽氣下陷者然考古人用雀盲散治雀盲方中

乃夜明砂一味夫夜明砂乃涼血而兼去血積之藥如  
果血盛血積而致目翳者正宜用之且有神效若如所  
云肝虛血少則有何積血可散而用之乎至云木中陽  
氣下陷則又不宜於涼血之藥余謂醫之療病原宜就  
眼前之脉息病狀以詳其所因不可拘泥於古人之說  
如果血盛血積而病雀盲則雀盲散宜之若肝虛血少  
則當用養肝丸若木中陽氣下陷則又當用補中益氣  
湯方為求本之治也

凡雀盲務宜早治若因循日久則變青盲者有之變内障者有之變為黃風不治之症者亦有之不可不慎也  
物損

此症言目被金石竹木打傷凡傷在輪廓赤腫痛澁者急進救睛散或黑神散亦可稍瘥始現傷痕或黃或白白者害遲黃者速而險若有赤障頭疼等症則症必變看其病變何症再用眼科之藥調理緩緩收功  
凡眼被撞打睛出如眼帶未斷者即推入臉中外用生



地黃杵成膏厚敷於眼之四畔內服黑神散如有瘀血者宜以針刺出早晚兼用點藥若眼帶已斷及睛損俱不可治

### 塵眯

此言目為塵沙所眯或為遊絲所侵疼痛隱澁淚出不止用好墨磨濃新羊毫筆蘸墨點入目中閉少時仍用筆拭之自出不出再點或有用人指甲細屑點入目中者亦妙

小兒因痘因疖

一小兒痘後病目者肝經熱毒未盡也宜洗肝煎

一小兒因疖病目者但治其疖其目自愈風疖丸主之  
如有雲翳者宜兼用點藥

以上列症四十此約而又約者也然余猶謂其繁何也蓋治病原貴求本若泛言症而不得夫症之所因雖臚列浩繁終不免遊騎無歸之謂或曰如子所云約則約矣其如掛漏何余曰以病而論則掛漏之譏

誠難免矣若以病之所因而論則余六要之說足以  
盡之豈猶患其掛漏耶

一、蓋心為神之主本欲以言致而不野夫致之於因  
以心致而口出於心而心致於口然余論其象而  
必亦實體者宜然則無藥之病所侵疼痛隨處漫出  
一、小兒因缺乳而致其缺其日自愈風熱狀生  
一、小兒因缺乳而致其缺其日自愈風熱狀生  
一、小兒因缺乳而致其缺其日自愈風熱狀生

眼科六要彙方目錄

古播陳國篤厚溪氏著

內服諸藥 共三十九方

犀角黃連湯

石決明散

還睛夜光丸

地黃粥

瀉青丸

龍胆瀉肝煎

補中益氣湯

抑青丸

養肝丸

白菊清金散

明目壯水丸

九味羌活湯

神應散

夏枯草散

六味地黄丸

養心湯

驅風一字散

既濟丸

加減八味丸

八味地黄丸

滋陰地黄丸

定風湯

救睛散

黑神散

內連翹薄荷煎

黃連解毒湯

四君子湯

四物湯

黃連解毒丸

八珍湯

白薇丸

歸脾湯

消毒逐瘀湯

神仙退雲丸

明砂散積丸

左歸丸

獨參湯

雀盲散

洗肝煎

風疔丸

點眼諸藥 共五方

七珍至寶丹

砒製爐甘散

鹽硝水朋散

麩連百點膏

洗眼諸藥 共三方

洗藥重明湯

聖草散

海螵蛸散

昭容散

蘇香散

眼紅綠蘇天

所毒靈蘇天

白鷓鴣

目赤...

三

眼科六要彙方

內服諸藥

犀角黃連湯

犀角角

赤芍各二錢

水煎溫服

石決明散

石決明

黃連

生地五錢

草決明

丹皮

當歸三錢

羌活





木賊

梔子

青箱子

赤芍 各五錢

荊芥

大黃 各三錢

右為末每服三錢薄荷湯下

還睛夜光丸

人參

熟地

枸杞

當歸

山藥

肉蓯蓉 各二兩

兔絲

棗仁 炒

茯神

麥冬 去心

五味

麩仁 去殼

刺蒺藜 去刺

沙蒺藜 各一兩  
五錢

川芎

防風 木香

白菊

牛夕

石斛

羚羊角 各一兩

犀角

黃連 各五錢

共為末蜜丸

地黃粥

生地黃

不拘多少搗取自然汁浸粳米半升漬透晒乾再

浸再晒如是三次每用米一合熬作稀粥空心食  
之即睡

瀉青丸

羌活

當歸

龍胆草 各二兩

防風

川芎

梔子

大黃 各一兩

共為末蜜丸

龍胆瀉肝煎

志陳

炒熟

五粒

各一兩

各二兩

各一兩

目赤

二

五

龍胆草

黃連

羚羊角 各二錢

生地 五錢

當歸 三錢

甘草 一錢

水煎溫服

補中益氣湯

人參

白朮 各三錢 土炒

茯苓 二錢

炙甘草

陳皮 各一錢

當歸 三錢

升麻

柴胡 各一錢

姜棗煎服

抑青丸

黃連

四兩猪胆汁浸炒

羊肝

一具炙乾

共為末蜜丸

養肝丸

熟地 四兩

枸杞

當歸

白芍 各一兩炒

川芎

白菊

麩仁 各一兩

當歸

甘草

共為末蜜丸

黃連

羊肝

各二錢

白菊清金散

白菊

當歸

麥冬各二錢去心

人參

黃芪炙

山藥

百合各三錢

生地四錢

五味

紫苑

甘草各一錢

水姜煎服

明目壯水丸

熟地四兩

生地三兩

枸杞

兔絲

山藥

山茱萸

當歸

麥冬去心

栝子仁炒

人參各二兩

茯神

川牛夕

五味錢各一兩五

丹皮

澤瀉鹽水炒

黃栢鹽水炒

知母炒

天冬

白菊各一兩

為末蜜丸

九味羌活湯

羌活

防風

白芷 各二錢

蒼朮 米泔浸炒

川芎

黃芩

細辛 各一錢

生地 三錢

甘草 一錢

加生姜大棗葱白水煎溫服

### 神應散

石羔

六兩生熟各半

川烏

五兩製

川芎

白芷

防風

白菊

當歸

刺蒺藜

炒去刺各三兩

細辛

二兩



甘草一兩

共為末茶清調服三錢

夏枯草散 治黑睛疼至夜甚者最效蓋黑珠連目系

屬厥陰之經夏枯草有補養厥陰血脉之功故其

效如神

夏枯草二兩

香附童便浸炒

甘草五錢

共為末茶調每服三錢

六味地黃丸

丸風

白芷

二錢

熟地 八兩

山茱萸

山藥 各四兩

茯苓

丹皮

澤瀉 各三兩 鹽水炒

為末蜜丸

養心湯

人參

當歸

麥冬 去心 各三錢

茯神

栝子仁 炒

棗仁 炒 各二錢

五味

遠志 各一錢

加龍眼肉三錢為引水煎溫服

良方六要卷之六

六

驅風一字散

羌活

防風

荆芥

川烏

川芎

各等分為末每服三錢薄荷湯下

既濟丸

磁石

八兩煨醋

朱砂

四兩水飛

沉香二兩

神麴

一斤

共為末蜜丸每服四錢

加減八味丸

熟地八兩

山茱萸

山藥各四兩

茯苓

五味各三兩

澤瀉鹽水炒

肉桂

沉香各二兩

為末蜜丸

八味地黄丸

熟地八兩

山茱萸

山藥各四兩

茯苓

澤瀉鹽水炒

丹皮各三兩

肉桂

附子製各二兩

為末蜜丸

滋陰地黃丸

熟地四兩

枸杞

當歸各三兩

人參

五味

肉蓯蓉洗淡

麥冬去心各二兩

天冬

白芍

女貞子各一兩五錢

為末蜜丸

定風湯

胆南星 三錢

天麻

白附子 生用

川烏 生用

全蝎

防風

荆芥

當歸 各二錢

加生姜煎服

救睛散

磁石 二兩 煨醋

生地

當歸 各一兩

血竭 八錢

川芎

乳香

沒藥

丹參

朱砂

水飛各五錢

木香

獨活

防風

各三錢

共為末每服三錢

黑神散

棉花子

敗蒲扇

荷葉

少婦髮

煨存性各一兩

威靈仙

骨碎補

續斷

防己

元胡

血竭

紫金皮

乳香

沒藥 獨活 各五錢

丁皮

木香 大茴

山漆 各三錢

共為末每服三錢

連翹薄荷煎

連翹 二錢

薄荷

川芎

黃連

黃芩

黃柏 炒各一錢

土茯苓 三錢

水煎溫服



黃連解毒湯

黃連

黃芩

黃柏

梔子各等分

水煎溫服

四君子湯

人參

白朮

土錢炒各三

茯苓二錢

炙甘草一錢

加大棗三枚水煎溫服

四物湯

熟地 五錢

川芎 一錢

水煎溫服

八珍湯

人參

熟地 五錢

川芎

當歸 三錢

白朮 土炒

茯苓

炙甘草 各一錢

白芍 二錢

當歸 各三錢

白芍 各二錢

水煎溫服

白薇丸

白薇 五錢

羌活

防風

刺蒺藜

石榴皮 各二錢半

共為末蜜丸

歸脾湯

人參

白朮 土炒

黃芪 蜜炙 各三錢

茯苓

棗仁 炒 各二錢

遠志 八分

木香 六分

炙甘草 一錢

當歸 四錢

龍眼肉 五錢

生薑大棗為引水煎溫服

消毒逐瘀湯

生地 四錢

黃連 二錢

紅花

蘇木

蒲黃

丹參

紫草

黃芩

牛夕 各一錢半

車前

木通

甘草稍 各一錢

水煎温服

神仙退雲丸

當歸 一兩五錢 川芎

蒙花

荆芥

白菊

羌活 各一兩

蔓荆子

薄荷

甘草 各五錢

黃連

共為末蜜丸

木賊

白蒺藜

川椒 七錢

草决明

蝉退 各三錢

明砂散積丸

夜明砂 四兩

當歸 穀精草 各二兩

川芎

黃連 各一兩五錢

共為末蜜丸

左歸丸

熟地 八兩

枸杞 山茱萸

山藥

兔絲 鹿角膠

龜膠 各四兩

川牛夕 酒蒸 三兩

為末蜜丸

獨參湯

人參多則一兩少則五錢

煎湯頻飲人參古以上黨所產者為最今時則用  
遼東高麗者俗醫不察謬以洋參潞黨參防黨參  
代人參用不知防黨乃山西所出防風係表散之  
物潞黨之性亦只甘平清肺洋參味甘而苦雖較  
二黨為優然以之與人參相較其性味功力仍自

不同倘遇血脫氣脫等證此危急存亡之際非人  
參不能挽回若以洋參黨參等物作人參用誤事  
不小

### 雀盲散

夜明砂為末 猪肝

右將猪肝用竹刀批切納夜明砂於內蒸熟食之

### 洗肝煎

生地 三錢

黃連

羌活



赤芍

白菊

金銀花

羚羊角屑

荊芥

穀精草

望月砂

木賊

木通

甘草各一錢

大黃五分

水煎溫服小兒分兩減半

風疖丸

黃連

青黛

天麻

蘆薈

五靈脂

夜明砂

各五錢

川芎

防風

龍胆草

全蝎

蝉退

乾蟾蜍

共為末蜜丸

點眼諸藥

七珍至寶丹

治目内一切翳障

朱砂飛

朋砂煨

乳香

沒藥片

冰片少許

麝香少許

爐甘石

火煨童便淬研細飛過

共研極細和勻每用銀簪挑少許納背頭早晚各  
一次凡製點藥務要極細如粉不可一毫草率

砒製爐甘散 收濕去翳並治爛弦風眼

爐甘石 四兩

搗碎篩過用黃泥確裝好以瓦片緊蓋確口置炭  
火中煅半日許務令通紅取起納白砒末四錢於  
內拌勻復煅看烟盡急鉗出候冷取出再入冰片  
二錢麝香二錢同研極細收藏待用

鹽硝水朋散 治血翳努肉凡血盛病目者俱宜用之

白鹽

馬牙硝 各一錢  
水片 一分

朋砂 二分

共研極細每用銀簪挑少許納大眼角內

海螵蛸散 治膚翳

海螵蛸 去粗殼水飛一錢

水片 一分

共研極細用燈心蘸唾津粘藥少許點目內

蕤連百點膏 治風熱生翳及暴發赤腫等症

黃連

蜂蜜各一兩

麩仁去皮

熊胆

牛黃各一錢

二朋砂研末一錢

冰片五分研末

右將黃連麩仁熊胆牛黃四味置磁器內入長流水二大碗置炭火上熬至半碗細絹濾過去滓入蜜再熬以蘸起牽絲為度取起入朋砂冰片攪勻磁罐收貯用時以銀簪蘸少許點入目內仰臥片時俟藥性已過方可開視

益部

四查錄目書身宜用之

洗眼諸藥

洗眼重明湯

羌活

黃連

當歸

薄荷

川芎

青鹽

各等分煎湯乘熱薰洗

昭容散

洗爛弦風眼

胆礬

五錢研末

銅綠

研末

文蛤

烏梅

川椒皮

薄荷

各三錢

黃連 四錢

樟腦 一錢 研末

右將文蛤烏梅川椒薄荷黃連煎水濾清入胆礬  
銅綠樟腦末攪勻乘熱薰洗日三四度

聖草散 治爛弦風痒而多蟲非此不能除根

覆盆葉 不拘多少

將葉搗取自然汁細絹濾過用新羊毫筆蘸藥汁  
於眼胞眼弦不時抹之其蟲自出